

ҚАЗАҚСТАН РЕСПУБЛИКАСЫ  
ОҚУ-АҒARTY  
МИНИСТРЛІГІ



МИНИСТЕРСТВО  
ПРОСВЕЩЕНИЯ  
РЕСПУБЛИКИ КАЗАХСТАН

010000, Астана қаласы, «Министрліктер Үйі»  
тел.: (7172) 74-24-28, (7172) 74-24-16

010000, город Астана, «Дом министерств»  
тел.: (7172) 74-24-28, (7172) 74-24-16

№ \_\_\_\_\_

**Жалпыұлттық социал -  
демократиялық партиясы  
фракциясының мүшелеріне  
Н. Сайлаубайға  
Н. Әуесбаевке  
А. Рақымжановқа  
А. Сағандықоваға**

**«Қазақстан Халық партиясы»  
фракциясының мүшесіне  
К. Сейтжанға**

**«AMANAT» партиясы  
фракциясының мүшесіне  
Е. Әбілге**

2024 жылғы 12 маусымдағы  
№ ДС-245 сауалға

**Құрметті Мәжіліс депутаттары!**

Қазақстан Республикасының Оқу-ағарту министрлігі (бұдан әрі – *Министрлік*) білім саласында сыбайлас жемқорлықты жою бағытында Сіздерден келіп түскен ұсыныстарды қарап, өз құзыреті шегінде келесіні хабарлайды.

Қазіргі уақытта Министрлік сыбайлас жемқорлық тәуекелдеріне жол бермеу мақсатында бірқатар іс-шараларды іске асыруда.

2023 жылы Сыбайлас жемқорлыққа қарсы агенттігі (бұдан әрі – *Агенттік*) білім беру саласындағы сыбайлас жемқорлық тәуекелдеріне сыртқы талдау жүргізді.

Нәтижесінде Министрлік Агенттікпен бірлесіп білім беру саласындағы бюджет қаражатын жоспарлау мен игеру кезінде сыбайлас жемқорлық тәуекелдеріне жол бермеу тетіктерін әзірлеу бойынша ұйымдастыру іс-шараларының жоспарын (*Жол картасы*) бекітті.

Сыртқы талдаудың қорытындысы бойынша білім беру ұйымдарында мұғалімдердің еңбекақы қорынан бюджет қаражатын жымқыру схемасы ашылды.

Атап айтқанда, білім беру ұйымдары қызметкерлеріне еңбекақы жоспарлау кезінде негізсіз үстемеақылар белгілеу арқылы нормадан артық қаржы жоспарлау, сондай-ақ дұрыс емес деректемелер көрсету, оның ішінде басқа тұлғаның карт-шоты көрсетіліп үшінші тұлғаларға қаражат есептеу арқылы бюджет қаражатын жымқыру фактілеріне жол берілгендігі белгілі болды.

Осылайша, бюджеттен бөлінген қаражатты ұрлау жалған деректемелер бойынша (*бір тұлғаның Т.А.Ә., төлем шоттарындағы басқа тұлғаның карт-шоты көрсетіле отырып*) немесе үшінші тұлғаларға және «өлі жандарға» артық есептелгені анықталды.

Осындай заң бұзу схемаларын жою мақсатында Министрлік Қаржы министрілігімен және әкімдіктермен бірлесіп:

1) «Қазынашылық-клиент» ақпараттық жүйесін жеке тұлғалардың мемлекеттік деректер базасымен интеграциялау арқылы әрбір қызметкердің жеке сәйкестендіру нөмерін еңбекақы төлеу ведомостарында көрсетілген деректермен сәйкестігін автоматты түрде тексеру тәсілін енгізу;

2) бюджеттік өтінімдерді қалыптастыру және бекіту процесін автоматтандыру, яғни білім алушылар контингенті бойынша мәліметтерді автоматты түрде салыстыру үшін қазынашылық ақпараттық жүйелерін «Ұлттық білім беру деректер базасы» ақпараттық жүйесімен (*бұдан әрі – «ҰББДБ» АЖ*) интеграциялау;

3) білім беру саласының қызметкерлері болып табылмайтын үшінші тұлғаларға қаражат есептеу тәуекелдерін болдырмау мақсатында «ҰББДБ» АЖ базасында білім беру саласында персоналды басқарудың бірыңғай автоматтандырылған электрондық жүйесін қалыптастыру бойынша жұмыстар жүргізуде.

«Педагог мәртебесі туралы» Қазақстан Республикасы Заңының 6-бабының 2-тармағының 4-тармақшасына сәйкес педагог кәсіптік қызметін жүзеге асыру кезінде, оған тауарлар мен көрсетілетін қызметтерді сатып алу бойынша міндетті жүктеуге жол берілмейді. Осылайша, мектептердегі мұғалімдерден қаражат жинау – бұл заңсыз әрекеттер. Мұндай фактілер туындаған кезде мұғалімдер білім беру саласындағы уәкілетті органдарға жүгінуге құқылы.

Жоғарыда айтылғандардың негізінде Министрлік өз құзыреті шегінде бекітілген Жол картасын іске асыру жөніндегі жұмысты жалғастыратынын хабарлайды.

**Министрдің  
міндетін атқарушы**

**Е. Оспан**



БҰЙРЫҚ

2024 жылғы 18 маусым

Астана қаласы

ПРИКАЗ

№ 998 - к

город Астана

Е.С. Оспанға министрдің міндетін  
атқаруды жүктеу туралы

«Қазақстан Республикасының мемлекеттік қызметі туралы»  
Қазақстан Республикасының Заңының 38-бабының 1-тармағына сәйкес  
**БҰЙЫРАМЫН:**

1. 2024 жылғы 18 маусымнан бастап менің уақытша еңбекке жарамсыз  
болуым мерзімінде Қазақстан Республикасы Оқу-ағарту министрінің міндетін  
уақытша атқаруды Қазақстан Республикасының Оқу-ағарту вице-министрі  
Еділ Сабырұлы Оспанға жүктеймін.

2. Осы бұйрық қол қойылған күнінен бастап күшіне енеді.

Негіздеме: Д.Ш. Сарсенованың 2024 жылғы 18 маусымдағы қызметтік  
жазбасы.

Министр



Ғ. Бейсембаев